



2020

Athugið! «Ársyfirlit» í jarðsetningarskýrslukerfinu sýnir allar greiðslur frá KGSÍ til kirkjugarða frá 2010 og til presta frá 2012. Neðst á ársyfirlitinu má einnig sjá samandregnar niðurstöður um greiðslu umhirðugjalds og greftrunargjalds til viðkomandi garðs, ásamt greiðslum til presta og kirkjugarðasjóðs (8%).

Upplýsingar um fjármál kirkjugarða.

Tekjukerfi kirkjugarða á Íslandi breyttist 1. janúar 2005. Frá þeim tíma hefur tvennt ráðið greiðslu til kirkjugarða:

a) **Umhirðugjald** (fermetrastærð grafarsvæða og fl. sjá neðar). **Umhirðugjald** er ekki áætlun heldur ákveðin krónutala sem greidd er á fermetra á grafarsvæðum. Þetta fermetragjald breytist samkvæmt þróun verðlags á milli ára. KGSÍ greiðir umhirðugjald mánaðarlega tvöfalt í febrúar og áfram til desember. Umhirðugjald er mismunandi hátt eftir flokkum enda eru mismunandi rekstrarþættir sem standa þar að baki. Í flokkum 1 – 3 er gjaldið nær eingöngu að standa straum af gróðurumhirðu en eftir því sem ofar dregur bætast fleiri rekstrarþættir inn, s.s. húsnæðiskostnaður, launagreiðslur, stjórnunarkostnaður o.fl. Orðið „umhirðugjald“ er að þessu leyti nokkuð villandi.

b) **Greftrunargjald** (grafartaka og prestsþjónusta). **Greftrunargjald** er greitt eftir að viðkomandi kirkjugarðsstjórn eða fulltrúi hennar hefur fyllt út jarðsetningarskýrslu. KGSÍ greiðir til kirkjugarða 15. hvers mánaðar þær jarðsetningar sem fram fóru í mánuðinum á undan. **KGSÍ greiðir þóknun presta beint án viðkomu í þeim kirkjugarði sem jarðsett er í.** Þeir sem ekki hafa fengið aðgang að skýrslukerfinu hafi samband við Arnfinn R. Einarsson í síma 585-2721 eða Smára Sigurðsson í síma 462-2613.

Gríðarleg skerðing greftrunargjalds á árunum 2009-2020 og hækkun gjaldskrár presta hafa í raun eyðilagt það gjaldalíkan sem sett var á laggirnar 2005. Framlag ríkisins er langt undir kostnaði við umhirðu og grafartöku, hvort sem er í þéttbýli eða dreifbýli.

Nú hefur verið boðuð breyting á lögum um kirkjugarða sem felur í sér að aflétta greiðsluskyldu kirkjugarða til presta og forstöðumanna safnaða. Þessi kostnaður er áætlaður 86,7 m.kr. á yfirstandandi ári. Dómsmálaráðherra og embættismenn ráðuneytisins gera ekki ráð fyrir að lagabreytingin hafi áhrif á gjaldalíkanið og muni því framlag ríkisins í greftrunarsjóð kirkjugarða tvöfaldast og koma sem sárabót að hluta til á móti skerðingum undanfarinna ára. Ekki er ljóst á þessari stundu frá hvaða tíma þessi breyting tekur gildi en rætt hefur verið um júlí nk. í því sambandi.

KGSÍ greiðir greftrunargjaldið 15. hvers mánaðar. Dæmi: Ef jarðsett er í kirkjugarði 5. febrúar og jarðsetningarskýrsla er send inn fyrir 5. dag næsta mánaðar, í þessu dæmi 5. mars, greiðir KGSÍ viðkomandi kirkjugarði. Jarðsetningar í desember eru greiddar 15. janúar.

2020

Brúttóframlag ríkisins til kirkjugarða landsins fyrir árið 2020 lækkar um 1.900.000 á milli áranna 2019 og 2020 og er nú **kr. 1.240.500.000**. **Ástæða lækkunar er einkum sú, að árið 2019 fengu kirkjugarðar 50 m.kr. eingreiðslu.** Einingarverð umhirðu og grafartöku hefur auk þess raunlækkað gríðarlega frá 2009 og **þau standa ekki lengur undir rekstri kirkjugarða og útlögðum kostnaði við grafartöku og prestspjónustu.**

Hvernig skiptist framlagið eins og það kemur frá ríkinu? Kr. 995.122.783 eru ætlaðar í fastar greiðslur (umhirða) sem á að kosta almennan rekstur kirkjugarða að undanskildum kostnaði við grafartöku og prestspjónustu. Til greftrana og prestspjónustu er varið kr. 186.242.429, til bálstofu kr. 59.134.788 og til kirkjugarðasjóðs fara 8% af heildarupphæð kr. 99.240.000. Samtals kr. 1.240.500.000.

Greiðslur til kirkjugarða frá KGSÍ í jan. og febr. 2020.

Síðastliðna tvo mánuði, þ.e. janúar, febrúar 2020 greiddi KGSÍ **umhirðugjald** samkvæmt gjaldskrá 2019 vegna þess að einingaverð umhirðu hafði ekki verið ákveðið en frá og með 15. mars verður greitt skv. gjaldskrá 2020 og út árið. **Greftrunargjaldið í jan. 2020** var greitt 15. febr. skv. taxta 2020. Leiðréttingar vegna umhirðu sem greiddar voru fyrr á árinu, skv. taxta 2019, verða greiddar til kirkjugarða með umhirðugreiðslum út árið.

Ársreikningar kirkjugarða. Gera skal grein fyrir tekjum og gjöldum á tímabilinu 1. janúar til 31. desember ár hvert. Samkvæmt fyrirmælum frá Ríkisendurskoðun þurfa kirkjugarðar að gera grein fyrir brúttóupphæð sem reiknuð er á hvern kirkjugarð og er framlag ríkisins. Er hér átt við að í ársreikningi sé gerð grein fyrir því sem hver kirkjugarður fær í umhirðugjald + greftrunargjald + prestspóknun + framlag til kirkjugarðasjóðs (8% af heild 2018). Þetta má glögglega sjá í «ársyfirliti».

Komi greiðsla vegna greftrunar á nýliðnu ári inn á reikning kirkjugarðs eftir að búið er að ganga frá ársreikningi skal taka þá greiðslu með því ári sem greiðslan berst.

Nýja skráningarkerfið.

Vakin er athygli á því að hægt er að sjá greiðsluhreyfingar vegna jarðsetninga og prestspjónustu frá KGSÍ jafnóðum undir „greiðslur til garða“ í nýja skráningarkerfinu. Þar er hægt að sjá hreyfingar síðustu ára og þær færslur sem koma inn á yfirstandandi ári.

Fjárhagsáætlun kirkjugarða 2020. Þeir kirkjugarðar sem gera fjárhagsáætlun eða greiðsluáætlun geta séð föstu greiðslurnar (umhirðuna) á slóðinni: www.gardur.is/2020, bæði mánaðarlega og allt árið 2020. Einnig er hægt að sjá lista yfir flokkun kirkjugarða á sömu slóð.

Tímabundin vandræði með afstemmingu milli bókhalds KGSÍ og bókunarkerfis gardur.is.

Eftir áramótin 2019/2020 bar enn á því að greiðslur á ársyfirliti kirkjugarða stemmdu ekki við það sem kirkjugarðar höfðu fengið greitt frá KGSÍ. Unnið hefur verið að afstemmingu og má segja að henni sé lokið og nú eigi þetta að stemma saman.

Hér fyrir neðan eru nógildandi einingaverð til kirkjugarða. Sjá má, að einingaverðin lækka á milli ára. Ástæðan er eingreiðsla á síðasta ári að upph. kr. 50 m.kr. sem ekki kom 2020 og einnig hagræðingarkröfur ríkisins sem valda því að hækkun einingaverðs nær ekki að halda í við kaupgjalds og verðlagshækkunum á milli ára. Þetta eykur enn á vanda kirkjugarða.

Fermetrar og umhirðugjald í m²

Flokkar kirkju- garða	Fermetrar		Tillaga að	
	Fermetrar 2019(2018)	Aukning 2020(2019)	Umhirða á fm. 2019	breytingu frá fyrra ári Umhirða á fm. 2020
1	86.411	57	171 kr.	-0,90% 169 kr.
2	96.424	216	171 kr.	-0,90% 169 kr.
3	96.644	314	255 kr.	-0,90% 253 kr.
4	82.951	292	418 kr.	-0,90% 414 kr.
5	72.503	330	594 kr.	-0,90% 589 kr.
6	61.538	716	709 kr.	-0,90% 703 kr.
7	108.374	1.155	709 kr.	-0,90% 703 kr.
8	50.895	979	881 kr.	-0,90% 873 kr.
9	161.335	2.398	881 kr.	-0,90% 873 kr.
10	536.819	5.716	881 kr.	-0,90% 873 kr.
Samtals	1.353.892	12.170		

Grafargjald 2020

Fl.	Grafargjald		Br. í %	Fl.	Grafargjald		Br. í %
	kistur 2019	kistur 2020			duft 2019	duft 2020	
1	98.653 kr.	88.024 kr.	-10,8%	1	71.006 kr.	65.727 kr.	-7,4%
2	98.218 kr.	89.414 kr.	-9,0%	2	70.571 kr.	67.116 kr.	-4,9%
3	98.143 kr.	87.126 kr.	-11,2%	3	70.496 kr.	64.829 kr.	-8,0%
4	89.818 kr.	81.916 kr.	-8,8%	4	68.672 kr.	65.015 kr.	-5,3%
5	88.674 kr.	79.914 kr.	-9,9%	5	67.528 kr.	63.013 kr.	-6,7%
6	87.613 kr.	78.440 kr.	-10,5%	6	66.467 kr.	61.539 kr.	-7,4%
7	87.591 kr.	78.463 kr.	-10,4%	7	66.445 kr.	61.561 kr.	-7,3%
8	88.473 kr.	79.314 kr.	-10,4%	8	67.327 kr.	62.412 kr.	-7,3%
9	82.486 kr.	74.044 kr.	-10,2%	9	66.275 kr.	61.238 kr.	-7,6%
10	83.890 kr.	75.291 kr.	-10,2%	10	67.679 kr.	62.486 kr.	-7,7%

Ofangreind verðskrá yfir grafarverð til kirkjugarða gildi frá 1. janúar 2020 til 22. júlí 2020. Vegna lagabreytingar sem tók gildi 23. júlí hefur kirkjugarðaráð á fundi sínum ákveðið nýja verðskrá yfir greftranir. Neðangreind verðskrá gildir frá 23. júlí til 31. desember nk.:

Útreikningur grafargjalds kirkjugarða árið 2020

Flokkar	Áætlaður fjöldi grafa	Meðaltal reiknaðs verð til kirkjugarðs fyrir lagabreytingu	Reiknað verð til kirkjugarðs eftir lagabreytingu 2020	Mismunur
A ¹⁾	223	47,917	86,244	38,326
B ²⁾	1,323	41,434	76,315	34,881
C ³⁾	819	23,331	62,459	39,129
	2,365	35,776	72,452	36,676

¹⁾ Flokkar kirkjugarða nr. 1 - 4

²⁾ Flokkar kirkjugarða nr. 5 - 10

³⁾ Duftgrafir

Þessi hækkun gildir frá og með 23. júlí og munu því kirkjugarðar fá þessa hækkun í rúmlega 5 mánuði af árinu 2020. Þessi viðbót er því miður aðeins lítið skref því sá kostnaður sem kirkjugarðar þurfa að greiða grafarverktökum er á bilinu 80-140 þús. eftir vegalengd og aðstæðum og má því glögglega sjá að enn vantar háar upphæðir til að grafarverð sé kostnaðarrétt þar sem dýrast er. Kostnaður á kistugröf hjá þeim kirkjugörðum sem eru með eigin vélar er oft vanreiknaður (falinn) og stendur til að greina þann kostnað hjá þeim görðum. Margir kirkjugarðar þurfa af þessum sökum að taka af umhirðugreiðslum til að standa í skilum við verktaka. Mikið verkefni er framundan hjá KGSÍ og kirkjugarðaráði að koma ráðamönnum í skilning um þetta misræmi sem blasir við.

Þeir sem vilja fá nánari upplýsingar um fjármál kirkjugarða geta sent inn fyrirspurn á tölvupóstfangið thrag@kirkjugardar.is og henni verður svarað eftir bestu getu. Einnig er hægt að fá upplýsingar í síma 585-2700 (Helga, Margrét eða Þórsteinn).

Reykjavík í mars 2020.

F.h. stjórnar KGSÍ,



Þórsteinn Ragnarsson,
formaður.